

GORDANA BOSILJČIĆ - TUŽITELJ TUŽITELJSTVA BiH

Gordana Bosiljčić rođena je 1960. godine u Sarajevu, Bosna i Hercegovina. Poslije završene osnovne škole i gimnazije, diplomirala je na Pravnom fakultetu Univerziteta u Sarajevu 1983. godine, a pravosudni ispit položila u mjesecu siječnju 1985. godine. Na istom fakultetu, završila je i postdiplomski studij 1987. godine, a 2005. godine stekla je zvanje magistra pravnih znanosti na Pravnom fakultetu u Sarajevu.

U pravosuđu radi od 1985. godine; od 01.03.1985. godine do 30.12.1985. godine radila je na mjestu stručnog saradnika u Opštinskom sudu II u Sarajevu, zatim od 30.12.1985. do 04.11.1992. godine na mjestu zamjenika opštinskog javnog tužioca u Opštinskom javnom tužilaštvu I u Sarajevu. Nadalje, od 14.02.1994. do 23.11.1994. godine, radila je na mjestu stručnog saradnika u Osnovnom javnom tužilaštvu Ilidža, a od studenog 1994. bila je zamjenik tužioca u Osnovnom javnom tužilaštvu Ilidža.

U razdoblju od 05.09.1997. do 15.09.2002. godine radila je u Pravnom uredu pri Misiji UN-a u Bosni i Hercegovini, a zatim od 15.09.2002. godine radi na mjestima zamjenika stegovnog tužitelja u Uredu visokog predstavnika (OHR), te u Neovisnoj pravosudnoj komisiji, kao i u Uredu stegovnog tužitelja pri OHR-u.

U jednom razdoblju radila je i kao pravni savjetnik pri OHR-u za međunarodne suce u Sudu BiH.

Na dužnost tužitelja Tužiteljstva BiH stupila je 01.03.2007. godine. Radi u Odjelu III Tužiteljstva BiH.

Sudjelovala je na mnogim stručnim seminarima i edukacijama tokom karijere, među kojima su najvažniji:

- Seminar u organizaciji Republičkog sekretarijata za zakonodavstvo i upravu SR BiH, na temu „Oblici napada na društvenu svojinu“, Tuzla srpanj 1987. godine.
- Seminar u organizaciji Ustavnog suda BiH, na temu „Pojam i shvatanje Ustava BiH nakon Dayton“, Mostar, 17. i 18. svibanj 1999. godine.
- Seminar u organizaciji Vijeća Evrope, na temu „Položaj nacionalnih manjina u svijetu sa osvrtom na situaciju u BiH“, Sarajevo, listopad 2001. godine
- Seminar u organizaciji Misije Ujedinjenih naroda u BiH (UNMIBH), na temu „Posebne potrebe žena i djece u konfliktu i poslije konflikta - situacija na Balkanu“, Sarajevo 22.11.2001. godine.

Tužiteljica Bosiljčić boravila je na više specijalističkih obuka u inozemstvu, uključujući Portugal, SAD, Italiju, Rumuniju, Austriju i Njemačku. Aktivno poznaje njemački i engleski jezik. Autor je više stručnih radova iz oblasti borbe protiv terorizma, objavljenih u inozemstvu i BiH.